

*Años y años en la emigración escuchando músicas que nunca están relacionadas con mi país, y donde las grandes corporaciones musicales, imponen un estilo y preferencias que, por veces, nos sume en una aflicción y olvido de lo nuestro. De pronto y sin esperarlo, escucho en la radio, una gaita de sonido conocido, que me catapulta a los recuerdos de los gaiteros recorriendo nuestras calles y que me hace soñar en la musicalidad y efectos que nos produce, escuchar una gaita.*

## ¡Unha gaita!

Músicas escoito, moitas...  
O que din, non o entendo.  
Son músicas novas  
que enchen as ondas, é...,  
coma un exército galopante  
¡todo o invade!.

Na radio, na televisión,  
nos festivais e nas festas:  
poderoso diñeiro  
que vende e vende,  
as miñas sensibilidades,  
as miñas raíces musicais.

Coma noctámbulo ando  
na noite dos sonhos,  
escoitando perdido  
non oio...,  
músicas queridas,  
músicas sentidas,  
músicas dos meus sonhos.

¡Silencio!..., no silencio.  
O corpo estremécese,  
os sentidos en vilo,  
os ouvidos sensibles.  
¿Unha gaita?,  
¿é galega?, si é galega.  
¿Unha muiñeira?,  
¡muiñeira é galega!.



Illado nun océano  
de músicas e voces alleas,  
vendo a quen eu dei vida  
apaixonados cas músicas  
que os exércitos poderosos  
as ondas dominan,  
síntome tan pequeno,  
que canto para os meus adentros:  
“**Negra sombra**” do meu tormento.  
que só o recordo  
éncheme de morriña,  
o corpo encólleseme  
¡e váiseme a vida!.

E en isto..., ¡unha muiñeira!  
A traveso das ondas,  
¿será de mentira?,  
agudo os sentidos,  
sinto os latidos,  
escoito o ritmo...,  
¡é unha muiñeira!  
¡muiñeira galega!  
muiñeira que me saca  
da miña morriña.  
¿Estou vivo?,  
isto da vida...  
¡Viva galiza, e a nosa  
morriña!



*Cando un galego está fora  
e sinte tocar a gaita,  
¡chora!  
Por dentro, ou por fora.*

*Vibra o seu corpo,  
sinte que se emociona.  
E a chamada da Terra nai,  
e a sangue, que se revoluciona.*